


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 55 || No. 06

June, 2019



Editor: Rev. Stephen Chinzathang

Synod Kumpuon:

"Kipah kawm a Mangpa nasem" (Late 100:2)

Khristian Tangkou

Vol. No. 55 || Issue No. 06 || June, 2019

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Hangpi Manlun

• Moderator Elect:

Rev. Zamlianpau

• Secretary (Sr):

Upa M. Liensuonkap

• Secretary (Jr):

Upa Kapkhanthang

• Treasurer:

Upa Chinsuanthang

• Statistician:

Upa T. Langkhanmang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- Mission Column 07
- Reports 07
- PYF Reports 10
- Zomiten pawla 14
- Juda Doctor Testimony 18
- Pasion laa chi tuomtuomte..... 21
- ZPWF Column 23

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



GINGTU MUONHUOI

Ei gingtute a ding in “Jesu Khrist ka gingta hi” chi a tapkotawng a tou maimai thei ahisih hi. I Mangpa Jesu hing thuvaihah Mathiu 28:19-20 ah “*Tuazieh in pei unlen, namchin apat nuazui ding bawl unlen, Pa leh Tapa leh Hagausiengthou min in baptis unlen; thu ka hing piehte zousie zui dingin thu hil un, tualeh ngai un, Kei bangchih tan in, leitung tawp dongin na kung uah ka um ding hi, Amen*” chi a kigel a, tambang a Jesun a thunuasie Nuajuiten manghillou in theitawp a pan la in Mak 16:20 ah “*Tualeh amaute akuondoh ua, mun chin ah khantanhoi thu agenta ua, Mangpa’n amaute aseppi a, chiemtenate in a zui a, athu asudet zel hi, Amen*” chi ah Nuajuiten Jesu Khrist vaihah bang a, a sep pichingna uh mu thei in a um hi.

Jesu Khrist in Van a, a katou ding a thunuasie anei leh Nuajuite nasep i et chiengin gingu khat khu mawh toutou thei ihilou dan a kilang mama hi.

Tuaban ah Sawltah Paul in Timothi kungah “*Tuaziehin nang ka tapa aw, Khrist Jesu a um hepina ah hattah in um in. Theipitu tampite lah a ka thugen na zahte, mi muonhuoi, midangte zong hilsawn thei dingte kungah kemsah in*” (II Timothi 2:1-2) chin a gen kia hi.

Jesu Khrist in Nuajuite muonhuoi ding a, a zilsah zou in a muonhuoina uh a thei a, ama sep ban sem ding in a thuta hi. Tuabangma in Sawltah Paul in zong ama sep ban sep ding in a it mama, “*Ka tapa*” achi leh a muon mama Timothi kungah Ama sep ban sem thei dingte kungah tam Khantanhoi kemsah ding in thu a pie hi.

Tunin Gingtu eite Pasian a ding in i muonhuoi na uoi? I Muonhuoi louleh Mangpan hing kemsahlou dinga, hing thuta lou ding ahi. Sawltah Paul in “*Mite kungah kemsah in*” a chisih a, “*A muonhuoi midangte pesawn thei ding mite kungah*” a chi sese hi.

Tulai khovel khantou toh kituoh in mipil-misiem a tam deudeu a, kihawmthawna ngen in a dim siengta hi. Khenkhatten “Pastor-te, Upate, Lamkaite i tat hiem ua, i zah dinguh ahi, eiten i zahlou uleh koiten azang diei?” a chi ua, khenkhat kia in “Pastor-te, Upate, Lamkaite ei tat hiem ding hilou in amau hing kitat hiem phot uleh i zang teitei ding hi” a chi kia zel ua, a ni un a dih tuohtuoh thei uhi.

Tambang kal ah Sawltah Paul in “Midangte pe sawn thei, mi muonhuoite kung ah pe sawn in” ana china ah tam Khantanhoi kem ding in midangte pe sawn thei leh muonhuoi ding a, eite zong i kisingsah uh a ngai in i thei uhi. Midangte pe sawn thei ding khop a kisingsa ngaplou mi khu Pasian in Khantanhoi kem tah a hing ngaituo lou kha ding ahi.

Tuaban ah tanglai puitu Mosi tungtang thu ah Mangpa kamsuoh thupi mama khat ahileh, Aaron leh Miriam in Mosi a gensiet lai un Mangpa Pasian in Kisimpina 12: 7 ah “*Ka suoh Mosi pen tuabang ahisih hi, ka innsung tungtang thu ah a muon huoi ahi*” achi hi. Tambang a, Mangpan hamkam a nei theina khu Mosi mi nunnempen a chiemte ahiban ah Pasian a ding in a muonhuoi mama chi theina hoitah ahi.

Tuaziehin Ama sep ban sem dingin Gingtute lah ah Mangpan mimuonhuoi a poimaw hi. Eite tunin Mangpa a dingin i muonhuoi uoi? A Innsung thu ah muonhuoi ahing sa nadiei? Tambang Khangtanhoi nasem ding mi zulzau leh gin-umloute Mangpan a deisih a, Nuajui 12 te lah ah Juda Iskariot mi zulzau ahiziehin a sem suoh theisih a, hinanleh 11 te ahileh a muonhuoi ziehun Mangpan Ama sep ban sem dingin a ngansie a, tuabang ma in amaute tengteng in zong Mangpa a ding a muonhuoi in a sem ua, a hinna uh Mangpa a dingin a pie uhi. Mangpan Ama sep ban sem dingin mi zousie hilou in mimuonhuoi adei hi.

Mangpan Ama sep ban sem thei dingin muonhuoina hing peta hen

~~~~~

## Thu tuomtuom leh Thumpi dingte



Pasian hoina leh mapuina toh ikinep phahlou lam-etna lienpi toh kumkim tan hingpui galkaitu Mangpa min loupi phatkawm in Ama THUPINA ipe masa uhi.

- 1. Pentecost-Day:** Synod Year Planner a umsa bang in June 09, 201'9 Hattuom cin a tami Ni poimaw mama Pasian hagau pawlna toh amanpha thei pen leh anuomthei pen a zang leh amng chiet dingin iki ngen uhi. Tuohkhawm aum ding hi. Tuohkhawm Office a submit a, tami sumte PCI Missionary nasepna a zat ahia, ei Synod ah zong hachin in Rs. 5000/- in Mangjing field ang panpi zing uhi.

2. **23rd PYF Biennial Conference kizang zouta:** Pasian in ithumnate hing dawng in PCI lieng a Synod Sawm leh khatte kikhaikhawmna Presbyterian Youth Fellowship Biennial Conference Presbyterian Church of India MAWKHAR Church CE Union KJP Synod Sepngi ah apeisa May 03-05-2019 sung Pasian hagau pawlna toh nuomtah leh kipahtah in zang zouta hi. “Thupi: Rise and shine” chi ahi.
3. **Siemsinte Result suoh:** Pasian in Hattuum chin a Ami siengthoute thumnate hing dawng in i NAM sung leh ipawlpi sung a Class-X leh Class XII Exam ineite Mangpa’n lawchinna leh dinmun sang tahtah hing petou zel hi. Mangpa hoina itante zieh in Pasian kungah kipahtu gen kawm in THUPINA zousie Ama ipie uhi. Amaute Manipur Board leh Central Board apan ahi uhi. Maban zilna sangzaw ang maituo touzelna dingte uah hamsatna nempi anei chiet ding ua, ini chin thumna uah theizing va ui.
4. **Theological Students Practical Tour - 2019:** Pasian hoina leh mapuina toh ipawlpi a College mun tuomtuom a Bible student mi -9 (kuo) ineiten Hattuumte vena (Practical tour hing nei uhi. Hattuum ten amaute ana kithuopi in lungdam tah in ana vaidawn chiet uhi. Amaute Semester exam nei zou a Vocation anei laitah uh ahi. Pasian in damna leh hun hoi ang pieh touzel leh June 14th 2019 chieng in maban zilzawm dingin lutkia tading uhi. Tahsa hagau a pawlpi itmi leh Pasian vanzah manpha ang hithei chietna ding un Hattuum leh mimal in ana thumsah zing vaui.

Theological Student ten Practical Tour anei ua,

|                   |                                   |
|-------------------|-----------------------------------|
| April 26, 2019    | - Tuining                         |
| April 27-28, 2019 | - P Salem ah nei uhi.             |
| May 11, 2019      | - New Zoveng Presbyterian Church  |
| May 12, 2019      | - Tuibuong Presbyterian Church    |
| May 18, 2019      | - Zomi Colony Presbyterian Church |
| May 19, 2019      | - Central Church                  |
| May 25-26 2019    | - Daijang leh Bohlui              |

**5. P. Hatching Sion khuo ah ZPCS Hattuum ding tha:** Pasian hoina leh umpina in Central District te panlahna toh apeisa May 13, 2019 ni a Local paper a imu bang un P. Hatching Sion Mannieng khuo min in Zou Presbyterian Church Synod Hattuum tha Rev. Lamsuanthang Bieltu Pastor in Pasian kung ah honna leh latna nei hi. Tualeh District-te panlahna matoh Hattuum kem leh enkol ding LCC form na neipi ngal ua, tam anei a bang in lemguotsah uhi. Amaute min leh panmunte

1. Chairman : Upa Khupchinzam (enkawltu)
2. Secretary : Pa Mangsuanthang
3. Finance Secretary : P Khamgoulal
4. Treasurer : Pa Kapsuanlal

Committee member

1. Pa Thangkholian
2. Pa Thangmuanmang leh Upa um sateng hi uhi.

Tambang silhoi isep lai un i langpa SETAN kigol nuom mama a Hattuum chin leh mimal chin in THUMNA toh bawzui chiet vaui.

**6. ZPC - Delhi in 8th Anniversary lawm uh:** Dated May 14, 2019 ni a Local Paper a imu bang un ZPC Delhi in 8th Anniversary thupitah in lawm uhi. Amaute Zou Presbyterian Church Synod (ZPCS) etkawlina nuoi a um ahi uhi. Dated 12th May 2019 ni in YMCA Hall Jaisingh Margh Cannaught place ah Pasian in kum 8 a puitungna Pasian kunga kipah thu genna leh Ama phatkhawm na'n hun zang uhi. Upa Lunminthang Local Chairman in Programme mapui a, Nu Chingliansiem in thumna toh hun hong a, Dr. Christopher Thongkhanthang in vaidawwna thu gen hi. PWF, PYF, KNP mimal tuomtuom leh ZPC-Delhi nuoi a prayer cell umte: Gurgoan Prayer Cell, Murnika Prayer

cell, Noida Prayer cell, New Delhi Prayer cell umten phatna lasa uhi. Rev. Khamminlian Delhi Pastor in Pasian thutah gen a, tua leh Pa Thongzakhai kipah thu agen zou in Rev. Khamminlian in thumna toh hun khah hi.

- 7. ST. Paul Institute ten Tunnu Liimbel vena nei:** Apeisa dated 6th May, 2019 (Monday) niin St. Paul Institute ten Zomi Colony a um Tunnu Limbel (Orphanage home) vena nei ua, Tuunnu Limbel a azah ding un Lupna 14 (Sawm leh li) leh Rack khat pie uhi. Pasian in taga nu-le-pa neilou te panpi thei zel din lamchinteng ah guoljawl taken chi i thum uh ahi. Tunnu Limbel Managing Board in School Managing Board, Principal leh Staff te tung ah lungdamthu gen uhi.
- 8. Thu kipah huoi:** Dated 10th May 2019 (Friday) ni nai 11:00am in Synod Theological Committee ten I Synod sung a Senate of Serampore nuoi a Laisiengthou zillai ineite kimupi in Synod Theological College (STC) in Book Grant dingin mi khat kung ah (Rs. 3,000/-) chiet pie uhi. Synod Moderator in amaute din guoljawl thumsahna nei a, Amauten Holiday anei sung un Synod sunga Hattuohte vena anei ding uhi.
- 9. Van guotui ngen vaui:** Tukum kho umdante i et chieng in tu leh tu dinmun tan in Pasian guoljawlna Van guotui tawm a Ni sa mama in kum sangkia ding hileh kilawm mawh hi. Bangteng hileh igam in Van guotui a hun bang zel a i dawnkia theina ding un asuoh Elijah bang in Pasian kung ah Vanguotui ngen vaui. Khatvei chieng Mangpa'n ithumnate lawchinna hing pe ding hi chi manghillou in thu ngen vaui.
- 10. The 7th ZPWF Thumkhawmna - 2019:** Pasian mapuina leh umpina muongkawm in angtung ding June 20, 2019

(Thursday) chiengin Presbyterian Church of India Tuining ah a (7) vei na Thumkhawmna um ding hi. Ahun: 9:00am-2:00pm ahi ding hi. ZPWF huopa Numeite telkim chiet ding uhi. Prayer items te amun a puonkhiet ahi ding hi. Thupi: Silzousie phunlou leh niellou in bawl un chi ahi (Phil. 2:14).

~~~~~

MISSION COLUMN

- 1) Mission and Evangelism Committee in Assam a Mission Field tha hon ding ngaituo in bawzui toujel ahia, tu June 2019 sung a amun amuol a lem thei ding lam-et ahia, thumna toh delzui va ui.
- 2) Central Church Hattuumte Missionary nasepna in masawn jel in Date 5/5/2019 leh Missionary Day ni in Baptisma tangtha mi (8) um uhi.

.....

Report

REPORTS ON CACHAL HILL TRIBE SYNOD KHAWMPI

A 90 veina kava man ua kasil tuohte uleh kamute uh kahing gen ding hi. Date 6/3/2019 zingmawng dah 7:00 in Pastor H. Nengzatun toh Sumo dim tinten in ka pei uhi, aziehpén Pastor Lamsuanthang toh haw ding kahi ua, ama haw theilou ding zieh in Pastor H. Nengzatun ang sol uh ahi, Bisnupur apat in veilam ah kapiel ua, hun chikhat in Nungba Road kamanta uhi. Alam atou mama hang in, anuom mama hi, Tamenglong Dist. sung ah, katai tou ua, agam a gaw mama a, dangtah ahuoi vot hi. Aziehpén Kolselah, suong lahpi ngen ahi zieh ahi. Eima Zougam hing ngeingai te ang ngaituohsah hi. Nitah dah 2:00 in

Nungba ka tung ua, ann ka neh uhi. Kapei kia ta ua, asuh kum ngen ana hi kia zel hi. Manipur a luting Rel lampi hing kibawl Muol avuhawmte uleh guom tung a lei kido sang pipite kava mu a, hampaha kaki sa mama hi. Manipurte a dinga ne leh tah lahlutna lampi poimaw tah ahia, van puo Gari atam mama na a, mi puo Bus khat kamu giap hi. Nitah dah 4:00 in Cachar ka tung ua, tua na pan in Bus ah ka tuong kia ua, Mar kholien tan in Silchar ah, nitah dah 5:00 in katung uhi. Houtupa afel mama a aphone in Gam teng ahoupai a, Mission Compound a i/c (amopaw pa) ang kan khe doh pai hi. Ama khu Rev. Benzamin ahi. katheithah un Mission Compound Auto in ka zuon ta uhi. Houtupa H. Nengzatun hi anuazui anuom a, ei ang subuoi sih a, houtu ching kasa mama hi. Mission Compound ka tun un Rev. Benzamin ka kanpai ua kamu un min ang magelsah hi. Tunna, giehna, a nuom a, eima in a tung ma aki bang a, PCI a um manpha kasa hi. Amanphatna zal ka zou khah a, khatveina ahi vang in, hampaha kakisa hi. azingni 7/3/2019 ni dah 7:00am in Haflong zuon in Rel ah ka tuong kiata uhi. Muol kivut hom mun 5 a ka lut nua un Rel ang kholta hiban a na um dan ahi, kakum doh ua, ahanga Bazar ah peidan ding kava kan uleh unau Thadou pan a jeep sepi in ang puo a lamlien tan tuana Gari dang sui ngai zel atawp in ka mu khong uhi. Sumo khat ah mi adim sih leh pei lou ding achi ta zel hi, nitah dah 4:00 ahita hi, atop in ang dim khong a kapeita uhi. agam uh Zougam Mau leh Natang chite a tam mama hi. avot in ana vot hi, zaan dah 6:00 in Jatingga ka tung vot uhi. Zin ang hawm ua, Rev. J.E. Rupsi inn ah ang tungkhawmsah uhi. Tuanah kagieh ua, ann pen Mess ah ka ne uhi.

Date 8/3/2019 ziltawp nin vaihawmna ah ka va pang ua Moderator pa kung tah ah ang tousah uhi. Pastor pan ei Zou Synod Report apie hi, alamdang khat Moderator pa puonpen avom ngen ahia, asan a um se sih hi, ama uh hamtuom ngen Presbytery 9 ahi ua, tuaziehin Hindi ham in vai ahawm uhi. Kei a ding in English ahi sang in bilvah ahuoi zaw hi, Vaihawm anuom

a Vote lah chi a um ngai sih hi. Nomination thu guol Secretary in ang sim a Moderator in Thikhe} achi leh thikhe achi vaduom uhi. azing ni in sutzop kia ahia, hunpatna din houtu pan thumna anei sah ua, Hindi in anei hi. Kei hingsol kha ule zouham a nei ding hing a azieh pen eimi atam mama uhi. Sun nua in Halflong ah kava haw ua, akho umdan Shillong toh akibang hi. Vaimim gau bang ana kizua a lamdang kasa hi. Bazar sungah Thadou ham a tam a, Tuibuong Bazar kaphoh hiel hi. Khawmpi a nuom mama a koima huphul ding a um sih hi. Hinanleh kou ni pen Gari kenglou kaguh buoi mama uhi. Lawidangten a Synod Gari akiken chiet uhi. Lawite Gari kadop koi uleh, nou hing keng loumaw ang chi ua, kenglou kachi uleh tabang gam hahsa leh ningkoi a na zah lou uh hei a nazah ding ula? ang chi san uhi. Azieh khu Haflong leh Manipur in kisai khahna a nei sih hi, khuolz in mi a um lou zieh in, lampi a um sih hi, Pastor Lamsuanthang in ngap sing achi khu alampi atheisa ahi zieh ana hita hi. Anat sedeu khat haw khah leh ashi law thei ding hi. Kenvang genthei nan leng kakipah mai hi. Azieh pen mangngil nawnlou ding silkhat tuoh kahi zieh in, Mangpa min kaphat hi.

JATINGA

Jatinga khomuol tung a um ahi. Hui alang den hi, a Zougam nalai a, avot mama hi. inn 439 apha uhi, pasal 1048 Numei 1035 agawm in 2083 Pastor 1, Upa 12, LCC 19 apha uhi. 1901 in Pasian thu ana awi ta uhi. Tua abiehinn uh 2010 kum a ana zaw uh ahi. Adung ft. 98, Avai ft 86 asandan ft 39 varanda 54, asong ahia, nuoi Gari Park in a zang uhi. Abawnan Rs. 15500000 abei hi. Anua, ama, aziet, avei etet thei dingin a um hi.

A Synod sung ua Presbytery minte

- | | |
|-----------------------------|-------------------------|
| 1. Haflong Presbytery | 2. Lakhipur Presbytery |
| 3. Nreibak Presbytery | 4. Ngal song Presbytery |
| 5. Ngai ban tang Presbytery | 6. Songbung Presbsytery |
| 7. Tangram Presbytery | 8. Vongjol Presbytery |
| 9. Zeme Presbytery ahi uhi. | |

Amu ngailou, athei ngailou khat in aphattuompi khah le chia kang giel ahi. Genmang ngil khat a Biehin uah mi 750 akikhawm thei hi (Adol hi) ama uh Khasi ngentang ahi uhi. Akholai uah Highway apei a Haflong to Gawahati ahi. A haw nuom na um uleh Imphal Gawahati Haflong hi chin pei lei buoina ding umlou ahi. Kipah ing Mangpa'n thupina tang hen len Zou Synod Mangpan guoljawlta hen.

.....

ZOU PRESBYTERIAN YOUTH FELLOWSHIP
PYF 23RD BIENNIAL CONFERENCE
May 3-5, 2019 at Mawkhar Presbyterian Church, Shillong

REPORT TOMKIM & KIPAHTHU GENNA

- Joel Lianmang
Secretary

1. May 2, 2019 zingkal lam nai 9:00 am in Lamka Zoveng apat Choir member 23 leh Central Committee member 10 kigawm in mi 33 te Rev.Khamchinkhai, Youth i/c in thumna nei in kikuan thei a, amun a ana umsate toh sim in mi 35 bang Zou Synod PYF te tami khawmpi a va kimang thei hi. May 6, 2019 nitahlam 3:00PM in Polo Ground ah P/P Stephen Khupsianlal in thumna toh hing hakhie a, May 7, 2019 ni in Central Church hattuum te'n Singpi toh hing na vaidawn in damtah in Lamka kahing tungthei uhi.
2. ZPYF Leader pu Rev.Thangboi Khuongsai khu Central Committee member hiban ah PYF apat PCI ah Finance Committee member a guot in um a, Pu Joel Lianmang khu Editorial Board member a guot in um hi.
3. Pasion phatna Lapawl ZPYF sih-leh-tang in Synod Lapawl in Phatna La thum(3); Pasianni sun, Pasianni nitah leh Pasianni

nitah in Combined Choir ah Pasiann phatna lapawl kilawmtah sa in, Nh.Naomi Goulianching, Treasurer ZPYF in Pasianni nitah in Bible Reading and Prayer hun tang a, Rev.Thangboi Khuongsai, Leader ZPYF in Pasianni sun kikhop zaw in Benediction(Guolzawlina) hun zang hi.

4. 24th Biennial Conference 2021 CHT Synod in vaitun ding a, 'You are Responsible' (Eze.18:20) chithupi in kizang ding a, Youth Camp 2020 pen Manipur Synod in zintung ding a, 'Youth and Leadership" thupi a zat hiding hi.
5. Manipur apat khrist a I khanglaipi uh 'Khristian Khanglai Pawl' (Mizoram Synod Manipur Area) te PYF a Associate member khat hiding a pom ahita hi.
6. PYF Synod tuomtuom apat report mu ahi dungzui in PYF(PCI) member zousie mi 3,26,658 pha a,tualeh, budget 2019-2020 leh 2020-2021 ading in Rs. 4, 99,000 leh Rs.5,06,000 pom ahi
7. 23rd Biennial Conference a delegates phaza mi 569 a chiemte chithu host unit apat zah ahi, Synod chin leh Associate member zousie apat report pekim theichiet hi.

8. PYF Office Bearer thate(2019-2021)

- Leader : Rev.Lalramthuara Ngamlai
(Biateram Synod)
- Asst.Leader : Rev.Jubileethang Hrangchal
(CHT Synod)
- Secretary : Rev. Precioustar Tmung
(Ribhoi Synod)
- Asst.Secy. : Mr.Lalrinchhana Ralte
(Mizoram Synod)
- Treasurer : Ms.Ibanrihun Synchiang
(KJP Sepngi)

9. Khawmpi hunsung a mukhiet leh etton dia hoi khenkhatte:

- i) Kivaihawmna ah koima sihnei-langnei a kisel muding a umsih a, theisiemlou umte kamnem in a kidong ua, Pasian thu a kipawlna hichi dingma ahi chi ahing musah hi.
- ii) Biehpiehna Kikhop te ah piching tah leh Pasian jatatna lienpi pieh ahichi muthei in a um a, Biehpiehna hun kikal ah thukal zee chite a umsih a, thupuon poimawte atawp kuon chieng in kituptah in puonkhiet in um a, etton leh Pasian biehpiehna kitup mama hi.
- iii) Thugente asiem ua, a siem mai uh hilou in a kisinga in hagau in a pawl ahi chi muthei in um a, Lapawl sate bang ngaingai uthuai khop in asiem ua, kikhopnate hengla huoi thei mama in hagau ah ahing thathou sah mama hi.
- iv) Eilam toh a kibatlouna ahileh Khawmpi labu a um a, Labu apat in Pasian phatna ah Latang gen/Latang sep chi a um sih hi.
- v) Vaihawmna ah PYF in PCI General Assembly Committee tuamtuum; Executive Committee, Peace and Justice Committee, Christian Communication Committee, Mission and Evangelism Committee, Theological Committee leh Finance Committee te ah member guot ahi a, tam bang in Synod, District leh Local tan ah kizui theileh Vaihawmna lamzang zaw ding in ngaituo huoi hi.

10. Zintuntu Biehinn te Patat huoina leh Etton ahuoina uh:

- i) Mawkhaw Presbyterian Church khu PYF Biennial Conference umna ding chet ahisih a, CHT Synod te zintun ding, a lemtanlou zieh a hani(2mothns) hun a um a Khawmpi zintun ding a ngetna uh pomsah uhi.
- ii). Ha ni sung kisakhoh uh hinanleh silbangkim a fel a, zintun paikhai leh Kikhopna ding zousie thupitah leh kilawmtah in a bawl uhi.

- iii) Pastor, Upa, School Principal, Theological College Principal te tanpha sep leh bawl suhtai toutai in Khanglaite toh kithuo khawm thei uhi.
- iv) Shillong khu Traffic Congested ahiziehin Khawmpi mang a hing pei ding zousie a ding gari a lutsuah theina ding in Traffic Police leh concern govt.Dept te kung ah phalna ana la ua, Sunday tan in Kikhawm a gari a hing kuantu Parking buoilou in(Public Parking) zousie khu PYF a ding in bawlkholta in um hi.
- v) Kikhop zaw teng in Niengtui leh Nehthei ahing nesah gige ua, zingkal nitah in Common mess bawl in hall khat ah ann kinekhawm in kituptah in zinte a vaitun uhi.
- vi) Biehinn sung ah kikhop chieng in mipi ki dimlet ahiziehin innmai ah Projector ah kikap a, innmai aumte zong Pasian jatat tah in a um ua, kihou sepsup leh viel vah chiding a umsih a, Biehinn sung a te um bangbang in innmai a umte inzong Pasian biehpiehna a bawl uhi.

11. Kipathugenna:

- i) ZPYF in sum leh pai ah hamsatna lienpi kituoh a,Synod ah ngetna a kibawl bang in PYF Assessment ading leh Khawmpi mangte tun leh kuon a Transportation ding banah Neh-leh-tah a ding in 2020 grant apat eukhiet ding in ahing zangsah ua, Synod vaihawm te tung ah kipathu igen uhi.
- ii) Synod Lapawl te amauh kukalna leh panlahna etton tah akisa a, ZPYF te hasatna theipi in Khawmpi a silding amauh mimal in Uniform bang khui in, Lapawl zilna leh silbangkim ah etton tah leh” Khanglai Khrist a kilamdang” ahina uh sulang in theitawp in a pang ua, Lamkaite’n amauhte tung ah kisuonlana lienpi neikawmkawm in amaute tung ah kipathu I gen ua, Pasian in amauh mimal chiet ah guolzawlta hen chi ithumna uh zong ahi.

iii) Central Church in ZPYF palai Pasian min a kalsuon gim leh tawlte Singpi leh thumna toh ahing na vaidawn ua, amauhte ziehin gim leh tawlrate atha damhuoi mama a, amauhte tung ah kipahthu igen uhi.

iv) Thumna toh hing na delzui zing mumchin a PYF member te tung ah kipahthu i gen kawm in, tamtan chieng hing pui leh hing pui zel ding ibieh Pasian tung ah kipah kawm in thupina zousie Ama ipie uhi.

Mangpa'n ZPYF mapui zingta hen.

.....

ZOMI TEN KIPAW LA

Ruth Messenger Sept.-Oct. 2018 issue apat lahsawn.

1. **'Pil' kipawla:** Pilna pen Mangpa hoina ahi. Rev. J.M. Paupu in midangte apil semsem uleh kipumkhat semsem ua, zomite ipil semsem leh kipumkhatna ding hamsa semsem hi chi in gen hi. Khenkhat in pilna neukhatinei chieng nu leh pate kimawt bawl hi. Eima ma apil leh a thei kisa a lamkai ki utpai hi. Koima toh iki thutuoh non siha, ipilna pen midangte hawmthawna, kouna, kohna pou in kizang khiel thei hi.
2. **'Minthanna' kipawla:** Zomite in minthan zong kipawla gige hi. Mangpa hoina toh ahunhun in Zomite sungah Pasian mizat kimawlsiem, lasiem leh music tumsiem minthang zong ki um zelzel hi. Hinanleh khumbang miten zang siemlou in kisietna, khantomna vel in kinei zawsop thei mawh hi. melhoina zong Mangpa thupha ma hi. Nungah khat melhoi a ang minthang nah leh sawtlou in minsietna pou toh ing kizomthei mawh hi.

3. **‘Sepna’ kipawla:** Sepna sangtah zong Mangpa hoina ahi hi. I sepna a neu laisie Pasion toh iki nai a, iki niemkhiet hi. Pasion number khatna in ikoi a, i lungsim mama zong adih hi. Hinanleh Mangpa hoina toh kumpi lam biehnal lam leh kipawlkhawmna tuomtuom ah panmun leh sepna khat pou pou inei chiengin Pasion toh kigamlatna pou in kinei hi. Pasion ni leh nidang zong ithei khen non sih hi. Biehnin zong itung zou non sih uhi. Nidang bang in Pasion maipha akisui non sih a, i tung a sapte maipha ngen kisui zawta hi. I tung a syete maipha isui seng man in Khristian khat hinapi in milim siemthu mai ah ikun ua, a maute toh zu vel idawnkhawm uhi. I pienna nu leh pate zong kithusim nonlou hi. Ei khaam letpen itanaute leh, iveng, ipam ten zong hing thuohla thei uhi.
4. **‘Nopsah’ kipawla:** Zomi atamzawte i khosahna uh hamsa sim nanleh Pasion toh iki naichieng ikhosah dante hing hoi hi. Neukhat nuom sa dia ikisah leh Pasion toh ikigamla a, i hindante zong hing dih thei non lou hi. Mangpa hoina toh lawchinna leh guolzawna khat pou inei chieng un, Mangpa tung ah “Nang panpina toh tam tan kang tung” chiin nuomthu gengen dia kilawm napin kigenlou Zu pou toh kilawm thopthop thei hi. Tam MAITAM ah i lampi hing khah i guoljawl naah zong kangsah hi. Kumpi nasemte hasum atawm lai teng Pasion toh ikinai a, i hinkhuo mandan zong hing nuom hi. Nanleh halaw ang khan akipat beer kinah dawn mama hi. Pasal te mai hilou in Numeite bang in nahdawn mama uh chiin kigen hi.
5. **‘Hau’ kipawla:** Hauna zong Mangpa hoina ma ahi. Khatvei Kawlgam Kumpipa General NE-WIN (1911-2001) in Zomi galkap mang khat kung ah “Nou Zomite in pen zawn pawzou na uchin hau pawla uteh” chi hituoh hi. Rev. David laa in Tedim Zomite a khosah dan uh hamsa ahiman in Pasion

lunggul uhi. Hinanleh ahindan neukhat ang hithei dom chieng un Pasian nahsahlou in thu zong ngen non lou uhi chi in gen kichi hi. Rev. Khupzago (1937-2005) “Midangte in a hauna uh pilna suina a azah lai un, ei Zomite pen in i haunate kisietna pou in kizang hi. Chiin gen hi. Tuasang in mi zongte tate bang hing dingkhie zaw uhi. Jews mite a hau uleh khangsawn kizom in hau ua, Sente khang li kizom in hau kichi hi. Zomite ihauna khang khat na ngawn kizom zoulou mawh hi. Pasian in Zomite hing it ahiman in ‘leivui’ apat ‘niin’ lah apat hing laamtou a, eitoh kilawm kituoh lou khop in thupha tampi hing pie hi. Khumpen pawl khat in zangkhiel in Mangpa toh kigamlatna pou in kizang kha hi. Mangpa apat hoina tampi idon seng chiengin, nang piehsa guoljawlna teng kibuoipi a, ang pepa Pasian kiphoh khanonlou in nungtawlna pou in kinei thepthup hi. Pawl khat in Phone inei ua pat in Pasian ihoupi non sih a, mihing vive iki houpita hi. Mangpa hing houpina aw zong ingai sih hi. Mangpa’n na dau pei laitah un kang houpi vang in nahing ngaikhenuom sih hi hing chi hi (Jer. 22:2). Nipini sese in gamdang a umte toh kihoupi dingin ikichiemse ua, biehin i zuon non sih uhi. I Phonete pen thu ginalou teng kikoina leh tanau sung kigensietna pou in kizangkhiel thei hi. Pawlkhat leuleu in la inn a Tv. i nei ua pat sun leh zan in Tv. Phung ah kitou zing hi. Biehin kai ding chite kimangmat kha non lou hi. Mitse zen leh ihmud nang zen in Tv. i en a, Laisiengthou i en ngai non sih hi. Khristiante et dinga kilawm lou lim kidah huoi vive ki-en sawnsawn hi. Pasian thu lunglut mama napi’n Tv. inei a kipat Pasian thu toh iki gamlata hi. Laisiengthou in na hauna a akhan leh kimuonpi sin chi-in hing hil hi (Late 62:10).

Zou thupil in “Nam neu hau leh luita khan” chi aum bang in khenkhat pen tomnou sung bou kihau a, kikiem suh kia pai hi. Bangzieh ahei ichi leh izing ma tui hun chieng i aw

suo hing kiheng pai hi. Numeite bang a puontha isil ni leh i umdan leh imi houpi dan hing kikhel pai hi. Neukhat ihau sim leh kiphasah kha pai apai ihi man in ihauna khangkhat kichien na ngawn kizom zoulou hithei kha ding hi. “Mangpa’n amaute inn lienpipi sung aten chiengin kei hing manghil uhi chi hi (Hos. 8:14). Tam pen Zomite ang china hi deu leh kilawm hi. Khenkhatte hau-a i minthang vengvung vang un ei hau pen ipienna inu leh ipaten hing nehpi khalou, i u, inau in zong hing phattuompi khalou, ipawlpi in zong hing phattuompi lou thei hi. I hau a kipat ilawm iguol, iveng ipaam, ikhuo ituoi toh ikilem non sih hi. Khumzieh ma in sawtpi ki hau lou hikha ding hi.

6. **Pawlpi sung ah:** Atam zawten kipat chil lamteng pawl kingai chiet hi, leengla khat leh ni aum chieng bang in ki lungdam mama a, maitai in kilamdon lou hi. Pawlpi mi itawm laiteng ilungsim leh ina sepdan nuom hinanleh i pawlpi mi ang tam sim chiengin ei leh ei muong kisa gawp ihi man in nidang bang in pawl kingai nonlou a, lengla zong kilamdon nonlou hi. Pawlpi pen ei mimal neisa dan in kingaituo a kei thu, kou thu kichi kha a midangte zong paikhie thei hi. Tam zong guoljawlna ipuoh siem louna chikhat ahi. Pawlkhat in Phone, Computer, Motor, Motor Cycle chite ahing nei ua kipan meima hing kipan hi. Tam van leh nate pen pawlpi vai sangin mimal vai ah hing kizang zawthei hi. Khota lam bang ah pawlpi meipi leh pawlpi guiter keem nuoma kituna apat buoina piengthei hi. I kima Mizote iet chiengin Hattuom chin in mawtaw, Press neikim phiel na p’in tam nate toh buoi ngai sih uhi. Tedim mite diehkhoh in Pasian hoina leh guoljawlna kikem siemlou ban ah kizang siemlou hi.

.....

JUDA DOCTOR TESTIMONY

Ruth Messenger Sept.-Oct. 2018 issue apat lahsawn.

America gam a Civil War umlai in US Army te lah a sepai Doctor nna kasem hi. Getisberg kidouna ah sepai zatampi liemna tuoh te ka sepna damdawi-inn ah ahing nawn lut zungzung uhi. Tam khopte khut tanngai leh keng tan ngai khop a liem hunkhop um uhi. Liemna tuoh hingkipawlutte lah a tangval naupang mama hathum vel peita a, sepai a hing lut pan atel kha hi. Akhut leh a keng tankhiet angai ziehin ahing panpi tu in “NAPLUP” toh valnou pindan ah avalut masa hi. Tam valnou in naplup zah aut vawt sih a, Doctor amu nuomthu ana gen hi. Kei zong kava lut a “Tangval bang dia naplup na zah nuom lou la...? Na liemna a thupi mama a, sisan zong na sengtam seng a, na tahsa zong achau mama hi. Tuaziehin, naplup’ tellou a at chi nahi sih ka chi hi. Aman pen Doctor kum 9 kahi lai in ka hinna Khrist ah ka laan khie siengta hi. Ama ka gingta tinten hi. Ka khut leh ka keng katan chiengin leh THUOHZAWNA hing pe ding hi. A kung ah valnou aw ahileh Zu tamlou beh dawn in ka chileh Doctor kum 5 ka hi lai in ka nun khupdin kawm in ang kawi a, Charlie zu nadawn het louna dingin kathuum hi. Napa zudawn a shi ahi hing chi a en in tun kum 17 ka hing hitou ta a, zu ka dawn vawt sih. Zudawn sang in shi zong katel zaw, chi vilvel in dawn utlou hi. Khum hunlai in Khristian kichi kahuo mama mai a, tuachi khop in tam Khristian naupang neunou ngaisan na khat ka nei mawh hi. Chaplain (damdoi-inn Pastor) mu aut leh utlou ka doh uleh, mu ut ahidan ang hil hi. Chaplain ahing pei a, “Charlie” nashi sih ding ahivang in shi hitamawh lechin bang hing bawlsah thei kanei diei? ahing chi hi. Charlie in, “Ka tangkhap nei a Bible neunou kal ah kanu address kazep a, kanu kung ah, ka tangtawn inn ding ka zuonta chi hing na hil sah inlen, nikhatmai zong Bible simlou leh ama (ka nu adia) thumna neilou in ka um ngaisih chi hingna hilsah in...! Tu’n New York-a, Brooklyn Hattuum a Sunday School a hing jilsahtu kung ah ahing zilsahna leh thuhilna

tengteng ka hinkhuo ah ka phattuompi mama chi zong hing na hilsah in aw, chin maitai tahin athuhah hi. Tamthute agen zou in keilam ahing ngat a, Doctor ka manta hi hing at in kakikou vawt sih ding ahing chi a, ama zau moh sih nanleh zong keipen ka zau zawtham a, aguh in ka kithing zungzung mai a tuachin pindan lelam ah kava tailuta ju kava dawn zeu hi. Charlie tahsate ka khoilai in, sip dide in ana thuoh a agu tanna ding gu atna ka lah leh a tangkhap in amai akhuh a, awlnou in, aphun dildel ging kaza a “Aw Jesu kakung ah um gige in, ci-in athum hi. A thuchiem dungzui in ka at sungteng khatvei ngel zong athum sih hi. Khum zan in ka ihmuh thei moh sih a, “Aw Jesu” ka kung ah umzing in, chi ging kabil ha ah atham den hi. zan hun hing bei in ka thoukhie a damdoi in kava pha hi, sepai liemna thuohle lah ah mi 16 ana shithu ang hil pai ua, valnou Charlie shi leh hinthu ka dongpai a, ashi lou thu ang hil banuah nuomtah a ihmuh thu ang hil uhi. Ni 5 abei nuo in, Charlie ang hansah a, kavapei leh “Doctor ka hun a beita, zing chieng nisuoh kamu non sih ding, na hing etkawlina te ziehin kipahthu ka hing gen hi. Juda mi nahi chi kathei a, Jesu Khrist na gintatlou dan zong ka thei a, hinanleh Jesu gingtute shi ding meel mungei le chin ka ut a, ka kung ah um gige in aw ahing chi hi. Hinanleh ahing ngetna ka bawlthei lam ahi mama sih a, Jesu lah ka huo pouma a, ka pawtkhiet san mai hi. Tuachin ka Office tou lai in Charlie in hing hansah kia nanleh kenpen achia mama in kava muta chin kava haw sih hi. Hinanleh ang hantu in Charlie chibang a, ang hat teitei ziehin kava haw khong hi. Charlie pindan a kava lut leh ana keniem mama ahidan kava mu hi. Akhut a katuh lai in, Charlie in “Doctor, Juda mi nahi ziehin kahing ngaina mama kalawm hoipen Juda mi ahive! achi a kenpen koi ahiei? kachi pai a aman ka Jesu Khrist ahi ka khut keng na hing tansah lai in Jesu Khrist na gintat theina dingin nang adin kana thum zing hi ahing chitah in lamdang sa in angaidan kana thei sih hi. Liemna nasatah athuoh lai in aliemna tengteng manghil khop a, ka hagau a dia ana thum thei moh lamdang kasa mama hi. Minute 10 sung in hamuongtah in

a ihmu hiuhieu ta hi. Sepai zatampi ka damdawi inn ah ahing shita ua, hinanleh koima hanmuol ah aluong kazui ngai sih. Hinanleh tam valnou Charlie luong hanmuol tanpha kava zui hi. Tam tangval shi ding kuon thugen in ka ngaituona zousie a luodim sieng hi. Sum ka hau; hinanleh ka hinna akipah theisih kum 10 sung ka hinna sunggil a buoi mama ahivangin valnou Charlie, thumna dawn in ahing umta ka hinna tengteng Khrist sieng ah kalankhie a, ama ka gingta hi. Khristian kahi apat kum khat leh hakim abei nua in, nitah langkhat in Brooklyn golzing a Khristiante thumna kikhop ah kava telsam a, nupi Upa lam deu khat hing dingkhie a, tam bangin thu hing gen hi. “Lawm te aw na kung ua ka thugen nunung pen hidin ka gingta Doctor in ka tuop ahoi nonsih sawt na daizounon sih ding chin ang hil hi. Tua ahiman in kakipah mama hi. Sawtlou nungin ka tapa ittah van ah kamuta ding hi. Charlie pen gam adia sepai ahi ban ah Khrist adia sepai ahi. Kidouna ah liemna tuoh in akhut leh akeng tansah ahinuo in zong lungkim tah a um in ashi hun naikal ama enkoltu Juda Doctor adin Jesu Khrist agintat theina din thumsah hi. Nupi nu thugen kazah in kakideh zou non mama sih a, katouna pat dingkhie in mipi mai ah kataiphei a, ka kawi tuntun a Unaunu na tapa Charlie thumna dawn in umta ve aw...! Charlie Juda Doctor kei kahi tun pen Jesu ka Mang leh ka hundampa din ka neita vachi kawm in kaki pom tuntun uhi. Midihtat thumna in sil thupi tah abawl zel hi (Jacob 5:16).

.....

TAM ANEI A LAIBUTE OFFICE AH LEI THEI ZING AHI:

<i>Laibu min</i>	<i>Aman</i>
> Khristian Labupi	₹ 100
> Khristian Latha bu	₹ 100
> PCI Constitution	₹ 50
> Hattuom Khuttawibu	₹ 30
> Pastoralia	₹ 50

PASIAN LA A CHI TUOMTUOMTE

Samuel Khamsuankhai, M.Th.

Biehinn i kaichin in Pasian laa isa jel a, ahin ilaa sah khu bang chibang laa ahiei chi ingaisut ngai ei? Pasian laa chi tuomtuom tampi ana um a, tuate lah a chii tamlou houlim lei ka ut hi. Tamte ikhentheilou chiengin banglaa sa ihiei chi itheisih a, asah ding bang in isa kha ngai sih hi. Pasian laa hina chia sahsah mai in Pasian kipahna atun diei? Chi tuni'n ngaitua tha lei uthuoi hi.

PASIAN LA A CHI TUOMTUOMTE LAH A TUNI A IGEN UTTE TAM ANEI A BANG AHI:

1. Thumna laa: Thumna ichi khu sapte'n Prayer achi ua, tampen ahileh atangpi in Pasian kung a inget ut silte a laa a isah khiette genna ahi. Etsahna dingin Hattuumte hing halsah ding a ngetna laa, I gam a lemna umtheina leh vai hing hawm ding a ngetna laa, Pasian in ahing panpi ding a ngetna laa chite atangpi in thumna laa ahi a, tuate khu kingaangiemna toh Pasian silbawltheina phawh kawm in kisa jel hi.

2. Pasian iitna laa: Pasian iitna laa ichi khu Love song to God chi'n sapte'n ana gen ua, tampen Pasian hing iitdantheizingna leh ama i iitdan alaa a isahte ahi. Tambang late kisah chieng in, Nungah leh tangval ki iit banga, Pa Pasian leh Jesu Khrista i iitna thute kipahna toh taitah in kisa jel a, sapten sa tam mama uhi.

3. Vangam ngai laa: Tambang laate pen eimiten kidei mama in, Hagau laa chi hiel in kimin vaw hi. Tambang laa pen Vanggam tun ding kal ngahla a, lunghel tah a laa kisate ahi a, tambang laa pen atangpi in aphuh tute'n hasatna tamtah ahing thuoh chieng un hing phuohkhe jel ua, Amabou ahun bei kuonte, tehse lamte laa hitangpi in sapten ana koi uhi. Tambang laa pen igam in kipeipi mama a, amabou Scholar khenkhat ten hichibang laa pen

tam leitung a inasep dingteng izaw chieng a, Pasian kung itun ding kal ngahla kawma sah ding laa ahi chi'n ana gen ua, Etsahna hoi mama khat ahileh, "Tapa khat, gamdang ah nasem ding in akuon a, ahin akhuol zinna mun ah, innlam ngai in lunghel den in, anu apate a iitdan thute gen in kap in amau zing hi". Agen utpen ahileh, tam leitung a Pasian in nasem dinga ahing koi lai a, lunghel den a Vangam ngai a ikaka mai pen Pasian deilam ana hidiei chi ahizaw hi. Ahoilou ahisih a, amabou asah hun ding hing umding dan ahi.

4. Khiel kiphohna leh Thupha tawina laa: Tambang laate ahileh Testimonial/repentance song akichi hi. Tam laa te pen ahileh mikhat in ahina ahing kitheichien a, Pasian kung a ahina teng phuonzah a ngaidam ngetna laa ahi hi. Tam laate'n mi lungsim khoi mama a, mittui kai pum a sah thei ding dinmun in hing koi jel hi, azieh pen mi khat testimony khu midang khat atoh ana kibang thei zel hi. Atangpi in apiengtha tungpanten ana phuoh jel ua, laa ngui lam deu ana hitangpi jel hi.

5. Pasian phatna laa: Eiten Pasian laa teng khu Pasian phatna laa dan in ina koi a, ana hilou dan ahi. Pasian phatna laa kichi khu, Pasian hina theikawm leh itung a asilhoi bawl chinteng a kipah tah a amin phat a laa sah khu phatna laa ana hidan ahi. Pasian phatna laa akisah chieng in maitai leh kipahtah in akisa jel hi. Mihing khat in da pumpum in koima aphant ngai sih a, hinanleh mikhat ahoina leh asiemnate jieh in kipahtah in ana kiphat jel hi. Tuaziehin Pasian phatna la pen thathou kawm in kipah leh taitah in ang kisa jel hi.

Igam dinmun i etchieng in, adieh in ei zou namte hi, mi lungngai leh lunghel mite ihi ua, laa zousie khu lunghel tah a isah chieng in Hagau a laa sa dan in ikingaisut jel uhi. Tuajiehin tuni'n ngaitua vingveng lei, koi in mi khat hasetah in aphant ngai ei, koi in mi hase tah in kang iit hi achi ngai ei? Kipahna mittui chivang a um hi, hinanleh laa zousie khu lunghel laa ahisih a, Pasian i

phat chieng in kipahtah in phat lei tuami khu Pasion deilam ana hizaw diei? Ginna a ana piching zaw gamdang mite'n tamte ana thei chieng mama ua, laa tamtahte ana phuoh ua, hinanleh tuni'n eite'n amau laa ilekhiette nangawn lunghel tahin isahpi siengta uhi. Tuaziehin i solfa toh a laa kituohlou chite hing um zel hi. Leitung i um sung in Vangam ngai a ikaka sang in i sepding/ibawl ding lawm bawl lei Pasion akipahzaw diei? Gingtu dihtah ihileh ka sese lou a khatvei chieng a Vangam lutding lah ihingal ua.

.....

ZPWF CÖLUMN

23rd April 2019 to 21st May 2019 sung a Tunnu Limbel panpina pete:

1. PWF Sugnu Anntang tang	Rs.	1,700
2. PWF Lailam Veng	Rs.	3,000
3. Nu Doichiin & Family, Beulahlane	Rs.	20,000
4. PWF PN Khovong Anntang tang	Rs.	500
5. Pa Kamkhogin, Central Church	Rs.	300
6. Jamkhanthang Awnchinkap Khuo	Rs.	100
7. PWF N. Khaukuol Anntang tang	Rs.	1,200
8. N. Priyo Kumar, Mangjing	Rs.	300
9. Upa Ginsuankhai, Tuining	Rs.	400
10. Pi Chinbawi, Tuining	Rs.	150
11. N. Janni, Mangjing	R s.	300
12. Nh. M.Niangneilam, Mangjing	Rs.	1,000
13. PWF Tongdam Anntang Kg. 38 &	Rs.	300
14. P. Church Sugnu	Rs.	1,000
15. PWF Taalnuam Anntang tang	Rs.	1,000
16. PWF Sangaikot Anntang tang	Rs.	1,110
17. PWF Central Church Anntang Kg. 109 &	Rs.	3,180
18. Khupmalsawm, Tangpijol	Rs.	1,000
19. Nu Thiankim, Thingkangphai	Rs.	1,000

20. PWF Gangpimuol Anntang tang	Rs.	1,110
21. Kaplam, Central Church	Rs.	3,000
22. PWF Awnchinkap Khuo Anntang tang	Rs.	1,150
23. Velzalun, Daijang	Rs.	200
24. Rev. Zamlianpau, Lailam Veng	Rs.	1,000
25. Nu Ngaikhanching, New Zoveng	Rs.	500
26. Tv. Lunsiankap, Aina	Rs.	1,500
27. Mrs. Flora Hatnu, UK	Rs.	30,000
28. Nh. Mary, Central Church	Rs.	1,000
39. PWF Chingmang Khuo Anntang	Kg.	42
30. PWF Zoumunnuam Anntang	Kg.	38
31. PWF Tuining Anntang Kg. 60 leh Dal	Kg.	2
32. Ginchiin, Zomi Colony Chini	Kg.	3
33. Rev. Khupkhansuan, Behiangjang Anntang	1/2	Bag 1
34. Mary, V. Bethel Anntang	Kg	40
35. M. Khamsuanhang Zou, Zomi Colony Birth Day gift : story book, pencil, rubber, chocolate, twinkle book		
36. Nu Chingngailun w/o Chinlianmang, Singngat 20-20 biscuit 15 packets		

**** Home a Naupangte hunzah pina leh silpieh piehna hing neite:**

1. Baptist Youth Fellowship, EBCC V.Munhoih : Anntang 1/2 Bag 1, Sabon, toothpaste, sam sathau
2. Trulock Theological Seminary & Restoration Theological College, Deulahlane Imphal : Anntang 1/2 Bag 1, Allu -bag 1, stationary set -22, towel-3
3. Ropiang Foundation Trust, Churachandpur : Blanket
4. Grace Bible College, Churachandpur : Anntang 1/2 Bag 1, sweet 2 packets
5. Presbyterian Church of India Kanaan Veng, ZPCS : Rs. 3,000
6. Pu Haukhen (St. Paul School neipa) Lupna-14 leh Laibu koina-19

Petu zousie Mangpa'n hing guolzawl sem taken!

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhanhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhotawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmang	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhanpau
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhau	116. Upa Pauchinlel
117. Nu Kimneihoi	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Seizapau
04. Pu L.C. Pautungnung	05. (L) Pi Khamkhanneiang	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun
19. Pu Kapminlian		

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
